

Տան ներսից պատասխանում էին՝

— Կարի՛ր:—

Երեք անգամ այսպես հարցնելուց և պատասխան ստանալուց հետո տատ-
սերը փետուրներն ու թելը կտրատում էր երեխայի ոտների տակ:

Եթե երեխան լնւնալ ընկած էր լինում, տանում էին այդ հիվանդությունը
բուժելու շնորհքը ժառանգաբար որդեցորդի ունեցող տան մեծի մոտ⁷⁷ և նրա
օջախի մոտ մի արծաթ դրամ—լիսին՝ կիսալուսին, մահիկ կտրել տալիս, այդ
լուսնաձև կտորի վրա կանթ շինում և կախում էին երեխայի ուսից, թեքից կամ
կրծքից: Կամը լնւնալ ընկած երեխայի շրթներին քսում էին շան լակը, իսկ
մի քանի գլուղերում երեք անգամ անց էին կացնում էշի տակով:

Եթե երեխան հազում էր կնպոնո հնգնալ⁷⁸, նրան անց էին կացնում
փէյնի՝ աղբի կույտի տակ քանդած ծակով: Այդ ծակը քանդել էին տալիս ջուխտ
երեխա բերող կնոջ:

Եթե երեխայի բերանից շարունակ ջուր էր գալիս, բերում էին ֆալօր
խօնջանը կամ տրէխտանը՝ տրեխի թելը կամ հէսկու՝ դօլադի, սաղկի թելը և
անց էին կացնում նրա բերանով:

Եթե երեխան փորացալ էր ընկնում, դօլինջ էին անում՝ տանում էին ֆա-
լօրի մոտ: Նա ոտքը դնում էր երեխայի փորի վրա, երեք անգամ տրէխտանի
կօնակը՝ հանգույցը ետ էր անում, քանդում:

Լալկան երեխայի գլխատակ դնում էին նապաստակի ականջներ, ուղտի
բուրդ, սատկած էշի կաշի կամ ենթադրելով, որ շար ոգին երեխային հանգիստ
չի տալիս, մայրը պատռում էր նրա շորերը և դեն շարտում, ասելով՝

«էս ան քու փայլտ, տա՛ր»:

Ապա երկաթե շիշով օղակ էր գծում օրորոցի շուրջը և դազիլ՝ այծի մազի
պարան էր կապում օրորոցի լծին:

Եթե երեխան քուն չէր լինում, օձի շապիկ էին դնում գլխատակ⁷⁹:

Մննդկանը քառասուն օր համարվում էր անսուրբ: Այդ պատճառով նա
չպիտի ձեռք տար այն իրերին, որոնցից օգտվում էր ընտանիքը, և նրա ամանը
պիտի առանձին պահվեր: Արգելվում էր երեալ արևին կամ լուսնին, եթե նո-
րածինը աղջիկ էր՝ երեք, իսկ եթե տղա՝ չորս շաբաթ: Պատմում են, որ մի
ծննդկան տեսնելով, որ հերթիկից արևի շողքը ընկել է իր գգեստի փեշի վրա,
փեշը կտրել ու դեն է շարտել թէ՛ մէլակ ա: Իսկ եթե ելնում էր դուրս, պիտի անցներ
սովեր տեղով, այն էլ շամփուրը կամ դաշույնը ձեռքին: Նույնիսկ այն ժամա-
նակ, երբ նա առաջին անգամ գնում էր աղբյուրից ջուր բերելու, պետք էր
ձեռքն առներ մի շամփուր կամ որևէ պողպատե կտոր և ցորեն ու բրինձ թա-
փեր աղբյուրի ակը՝ անշուշտ, որովհետև ֆաշկէր բնակվում էին և աղբյուր-
ների մեջ: Արծվանիկում չէր կարելի մուլին ընկնելուց հետո կամ մուլ տեղում
աղբյուրից կամ թասից ջուր խմել, որովհետև ֆաշկէր կմտնեն բերանը:

Քառասունքը լրացրած կինն երեխան խտտած գնում էր հոր տունը երե-
խային ներկայացնելու:

Մոզական նշանակություն ուներ և այն արարողությունը, որը շաղկապ-
ված էր երեխայի առաջին առամ հաճելու հետ: Եփում էին կորկոտ և խառ-
նում չամիչ, ընկույզի և շաքարեղենի հետ: Ապա հրավիրում էին մոտիկ ազ-

⁷⁷ Բռնակոթում՝ Մըլբոնց և Բարոամանց տները:

⁷⁸ КОКЛОШ.

⁷⁹ Արծվանիկ: